



職方典第一千二百八十卷

永州府部彙考十

永州府古蹟考

府志

本府

零陵縣附郭

泉陵城在縣北二里晉應縣地惠帝分灌陽縣置泉陵縣隋省入零陵

呂蒙城在縣北二

里呂蒙攻瀟湘零陵太守郝普堅守不下蒙因築城

秦馳道在縣東八十里史記秦始皇

命天下修道以備遊幸卽此闊五丈餘類今之河道

息壤在城內龍興寺東北陬有地隆

然而起狀若鴟吻色若青石出地廣四步高一尺五寸初建寺時欲夷之持鍤者輒死柳宗元

有記

太平穴在縣西百里穴中平曠可遊

朱砂坑在縣境八十里歷代採砂相傳有

人掘地得砂一塊大如石瓮自是砂絕

螭室在縣西唐法曹史唐登浴於螭室之涯螭牽

以入柳宗元作愬螭文投之江

有庫墟在縣南宋類苑云零陵道州間地名庫亭窮岳絕

徼非人跡可歷去兩州縣各二百里舜封象於此今失其地柳宗元記薛伯高刺道州斥鼻亭

神事亦以庫為鼻云

懷素塔在縣東里許唐僧懷素結庵於此名綠天庵種蕉學書旁有

黑池筆塚今遺跡猶存

廻龍塔在北關外萬曆甲申年建有記

鎮永樓在府東北城

上舊名鷓子嶺孤遠偏僻人跡罕至嘉靖乙巳知府彭時濟建明末兵燬

皇清康熙甲辰年彭世勳重建有記王元弼泉陵名勝記曰登樓四望城中形勝俱在一覽中可與

南樓西樓並傳也

瀟湘樓在城西瀟湘二水合流於前

望江樓在城北俯瞰白蘋

西樓即正西門城樓

南樓在城東下臨東湖上有紅棗堂

譙樓在府治前西元至元

御史柏顏九成書芝城二字於前明末兵燬

皇清順治甲午守道崔起鵬重建

鐘樓在府治東永寧寺前舊在府後萬石亭側繼徙永寧寺

後明弘治十二年知府王爵遷於府治東後因兵廢萬曆辛亥知府黃彬重建形家謂有礙府

治遂廢

皇清順治甲午知府李策鼎重建

餐秀樓在分守道署內大叅馮時可建

花月樓在西門

正街白玉蟾嘗登此今廢

聚英樓在府學明倫堂前今廢

稽古樓在府學明倫堂前

今廢 宜春樓在北關外今廢 聯奎閣在北關外廻龍塔左今廢 太極閣在宗濂

書院內今廢 觀音閣在太平寺內宋張魏公建今重修 九疑閣在府後今廢 新

堂在府治內唐刺史韋宙建今廢 紅蓮堂在東湖上唐李蘄建今廢 清源堂在府治

內宋知州胡寅建今廢 三省堂在城內宋張浚寓居時建今廢 光霽堂在宗濂書院

內今廢 拙堂在府治右宋零陵丞曾興建以濂溪先生倅是邦嘗作拙賦故名今址爲衛

地 愚溪草堂在縣西一里宣德初陳浩建何惟賢有記今廢 法堂在太平寺內推官

楊治建今廢 讀書堂在分司內今廢 忠益堂在分司儀門右隆慶四年建今廢

協恭堂在府治正廳後 種愛堂在縣治內有記 忠恕堂在府治內今廢 尊道堂

在府學後天順五年副使沈慶建 三亭在縣治東曹能始名勝志曰在東山之麓唐令薛

存義建一曰讀書林亭二曰湘秀亭三曰俯清亭柳宗元有記 西亭在法華寺側卽今高

山寺柳宗元有記 芙蓉亭在龍興寺內 西亭此西亭在朝陽岩唐守獨孤恂所建茅

閣以居元次山者柳宗元亦以西亭名之宋令王淮鑄米元章秀巖二字於上 南亭柳子



厚有南亭詩 愚亭在愚溪上柳宗元八愚之一 漫郎亭在朝陽巖上 聽泉亭在

朝陽巖右 臨湘亭在北關外五里許今廢王元弼名勝記曰湘水之上亭如鶴立孤峙天

表檻外蒼山如列屏幔真奇觀也惜今已廢 故人亭在湘口驛今廢 後樂亭在縣治

內邑令吳德彰建今廢 萬石亭在府治後曹能始名勝志曰在子城北唐元和中刺史崔

能築以石之多不可數因名萬石今永州衛後是其處柳宗元有記 吏隱亭在縣治內邑

令王元弼有記 聚星亭在北門外十里今廢 環紅亭在府學講堂後宋郡守趙善謐

建 玩鷗亭在城北宋汪藻建今廢陳正誼曰玩鷗基址頗高西近瀟浦山城半偃於下而

江水滄然抱之鷗日遊於江則玩日注於鷗矣玩鷗之說有所託而言焉者也夫鷗自相忘誰

能忘之者忘在鷗則進退炎涼視此矣鷗自為樂誰能樂之者樂在鷗則義理詩文視此矣此

玩之之意耶宋有放鶴亭子瞻美之意亦類此禽鳥雖微固有與人相發者 九巖亭在府

城內舊志云巖出池中者凡九跨池為橋而拗亭池上先賢題識甚多亭之後又有鑑亭今廢

衆樂亭在城東宋陶弼還家太守蘇衰邀至東湖坐新亭而觴之俾陶叙衆樂之實今廢

思樂亭在府學射圃今廢

萬桂亭在府學講堂後今廢

雙鳳亭在府學前今廢宋郡

守彭合見學前有巽石如鳳作亭臨之因名

丹崖翁宅在縣南五十里崙峯下其崖石色

如丹唐永泰中瀧水令唐節去官家崖下稱丹崖翁元結刺道州路出崖下見節甚重之因為

作宅刻銘

濂溪故里坊在北門內為宋周濂溪先生建舊名道學里坊今廢

翠玉亭

在城西曹能始名勝志云奇峯怪石古木樛曲宋嘉定間侍郎董居誼遷謫來遊豎亭於上嘗

云此山之中有火星巖石壁所鑱先賢題識非窮日之力不能盡閱

臨瀟館在城西曹能

始名勝志云江山奇秀漁村蕭寺上下映帶刺史韋宙易以碧湘之名記略云觀其競船舉棹

則有楚些聲聽樵夫野老之韻則有欸乃聲宋柳拱辰風土記云些助語卽楚辭之些欸乃卽

所以發韻柳司馬所謂欸乃一聲山水綠者也

瀟湘館在城北十里卽湘口驛王元弼名

勝記曰江水平欄青山四起真江口第一勝賞也宋范純仁題云江天一館卽今日之湘口驛

也芙蓉館在府城東湖上唐刺史李衢建宋范純仁嘗遊此旁有思范堂宋張栻書額王

元弼名勝記曰名芙蓉館者蓋以館在湖上湖之四面皆山故以芙蓉名

丹霞館在府治

西前臨湘水今廢 廣益堂在府儀門外之東知府史朝富建今廢 晒柯亭在府治戎

廳署內郡丞劉作霖建 西軒在龍興寺內柳宗元建 我來軒在府治戎廳署內康熙

間郡丞武清劉作霖鼎建 困齋宋高宗紹興二十七年胡澹庵上封事劾秦檜除名編管

方疇坐澹庵同榜亦謫後兩公俱徙永州胡題方所居之室曰困齋張欽夫記之劉芮作銘

祁陽縣

譙樓在縣署之左崇禎中建緣邑多火災構樓祀元武其上顏曰水星閣危鷗翔鰲以壓畢方

嗣是不苦回祿設鐘鼓於中過邑有緊切機務聞考伐之聲急趨其公尋燬於兵燹今捐俸重

構不侈前修無廢後觀逢銅鉤允為一城耳目且無勞反風喚酒矣 迎秀樓在縣署東

儒學前俯臨大江明隆慶時知縣李天箕構尋燬萬曆乙亥邑進士鄧球捐貲建知縣張照命

典史張應文成之有記 保障樓為縣治東北鎮以表南北通衢明嘉靖辛酉知縣鄧汝相

建後圯鄧球以建迎秀樓餘材重修今廢 鎮祁樓在縣治二里小東江邑人鄧球以大江

東注至下關與餘谿水會渟泓潑洄作樓峙鎮於邑之左因名今廢 環帶樓在迎恩門外

明進士鄧球建多有碑碣今廢 子來亭在驛前明知縣丁永仍建 唐亭在湘江南岸

唐大曆間荆南節度元公過此見溪口有奇石高數十丈比擬瀛洲愛而構亭石上旌以名曰

吾亭有銘并序 窳尊亭在嵒臺之巔 鏡亭順治十四年知縣孫斌建於舊窳尊亭之

址以下有石鏡嵌於山麓因名有詩并序 笑峴亭卽次山右堂故址宋熙寧間邑令蔡瓊

作亭美元結顏真卿忠君愛國情見乎文非若杜預輩但爲身後名因名曰笑峴 仰高亭

明嘉靖中郡守延平黃綽建於清溪書院內舊志云在城內按察司後非也今廢 合清亭

在瀟湘祠右二水合流山川秀奇昔建此亭未考所自今廢 誥勅亭在保障樓明知縣李

天箕爲進士鄧球鄧雲臺建亭作石室中左右嵌碑三 漫郎宅道州元次山唐大曆年家

於此傍山臨水在清溪書院之左又買舍三百六十椽一歲之中日收一椽以助選勝後五十

年公季子友讓再爲道州長史維舟亭下有田地潛更主之句罄撤資俸託祁陽長史盧章歸

復 吏部程德和宅在縣東北環帶樓側 太宰陳楚石宅在縣朝京門內 大叅甲

慰海宅在縣四牌樓 嵒臺元次山選勝清溪之東北石巔有磴道高八十九尺下臨無地



創名嵒臺伸頸舒嘯坡詩石磴縈洄入杳冥興與此同當時云力不能築高臺豈知惟不築至今與天地並存乎 顏元祠堂卽漫郎宅址宋紹興二十一年永守許尹屬縣令劉解李和

剛先後修建今廢康熙庚申冬知縣王改建涪溪寺側有碑 三絕堂在湘江石巖之間宋

皇祐六年縣令平樂齊術美元次山頌顏魯公書暨摩崖石稱三絕作堂以護其文并復東西峯兩亭落成觴寮案推官孫適有記 瑞夢堂在縣北郊梅莊明浙江王華赴邑甯良聘爲

子講學成化乙未年讀書其中感夢果應後二十六年作瑞夢記載碑豎於梅莊改書屋爲瑞夢堂今碑與堂並燬 冰玉堂在縣西瑞芝山明陳灝讀書結社於此灝卽尙書之長孫所

交多賢士如申翀管應笙皆會文其社庚午癸酉先後得解去 文昌塔在城東綠江三里

明萬曆間鄧球募造庚辰巡按新淦朱璉出金買地檄縣締構先錫名以文昌越四年招安慶

匠陳萬明至始成巡撫劉繼文作文昌塔記提學管大勳作文昌書院記按塔建於邑境巽離

方瀟湘二水西來江水南向遶祁下關而東之危石突起一阜塔聳其上雙流一砥爲一邑之

風氣攷建塔時邑陳楚石任臬司嗣後起方伯晉中丞屢官至大司徒總漕躋身撫仕與塔俱

崇者二十餘年詎恩蔭朝鼎年少誤信形家言倡眾毀之邯鄲令鄧雲臺弟雲登力爭之不得塔毀未三年而太宰告休邑太學盧鼎吉識塔毀年月日時與岷郡禮銓生年月日時相符自武岡移封來祁與陳蔭君極爲冰炭蔭君家散由此岳王飛輪裴公合尖請叅看之 拙園

在尙書里太宰陳楚石歸休處

息園在預備倉前明刑部員外郎陳朝搆構狀元朱之蕃

題額邵陵車以遵弔陳楚石詩青衫白面謁尙書學易園中納履初不及南州徐孺子總無爻絮與生芻 雷壇在縣治西七里崖高數十尺洞容數百人洞南有石門又南數十步石崖

通窾泉涌其下刻曰雷澤暑月寒氣逼人脩篁怪石清絕可愛昔李洞陽建觀於此

白鶴

觀鐘在白鶴觀

東安縣

諸葛岡世傳孔明屯兵處至今壘跡尙存

孝子潭宋李文珍爲母疾求魚禱潭獲雙鯉遂

呼爲孝子潭

兵書匣在沉香崖下匣在危石上相傳有好事者登其巔發而觀之但枯骨

在匣中耳

沉香潭在淥埠渡下舊有沉香於崖壁之上不知何時失去

町田廢學在

縣西三十里宋元時有學廢 五峯石刻在縣西北高山寺右突出五峯宋元明刻猶存

湖口亭在湖口嶺去縣東二十五里 通津亭在淥埠渡知縣沈孟儀建 兄弟百歲亭

在縣東為羅政羅旺立今廢 迎恩亭在諸葛嶺下今廢 百歲亭縣南為博宏立今廢

祇候亭在城北三里 樂豐亭在南門外 改路建橋碑亭在登雲橋下 翠微軒在

諸葛嶺下 觀瀾亭在城南以上皆知縣朱應辰建 月江樓在南關外知縣李廷梁建

今廢 馬迹潭在縣東北二十五里江埠石上有馬蹄迹故名 大魚潭在麻塘嶺前深

可數丈時有神蛟出沒 陰陂石塔在縣東北三里許唐帽象鼻對峙之間正當水口宋嘉

定十三年知縣魏霖率民周俊民募建歲久欹傾說者謂就近地建一高塔以為文筆云

南薰亭在縣前今廢 鎮北樓在縣東樓將圯縣令李逢時重修有記 示我軒明邑令

朱應辰記 跋石潭按通志在縣城東象鼻山下石崑峭立潭水泓深水底有洞不測

道州

營道城在州西四十里營山下小坪唐武德四年置明年改南營州貞觀八年改為道州天寶

元年改爲江華郡城遂廢

營道縣古城在營陽鄉地名大漢久廢

貢院在州東北狀

元坊內宋嘉熙元年場開凡一千七百四十五人登名者一十九人

鼓角樓卽州之頭門

也明嘉靖間建明末圯

皇清康熙五年復建極其壯麗

寇公樓在州治西公貶道州司馬旣去人爲之建樓

狀元

樓在西門外學之右今廢

瀟湘樓宋州守張燿名以瀟湘臺在瀟湘驛之前後改作中司

前城上敵樓今廢

西樓舊名閩韶在西門龍眼塘今廢

太史閣宋太守方信儒記以

太史公南遊窺九疑曾至其處故名

用拙堂上有濂溪拙賦碑今廢

漫齋在拙堂後

今廢

眾樽亭在眾樽石今廢

粲粲亭取粲粲元道州之意

欣欣亭取白樂天老

者幼者何欣欣之意

振振亭取柳子厚文宣王碑振振薛公之意

蕭蕭亭取杜甫饒

裴道州蕭蕭秩初筵之意右四亭俱在州治後浴星池名存寶泯淳祐間郡守陶嘆先賢遺跡

隱晦乃重立四亭各以舊名扁之今亦廢同知廡後空地是也

欵乃亭元結有詩今廢

五如亭在五如石前今廢

白雲亭在南山元結有詩今廢

石魚湖亭今廢

瀘陽



亭唐元結建今廢 三元亭在教場西北舊為兵官麻馮京侍父任兵官日讀書其中故名

前山突兀曰斌山 御碑亭宋理宗書濂溪書院六大字在濂溪書院前 味道亭有太

極圖碑一通今為光霽亭在書院左今廢 有本亭在濂溪故居今廢 風月亭在有本

亭東今廢 濯纓亭在故居西今廢 太極亭在書院後西今廢 愛蓮亭在書院後

東今廢 觀瀾亭在水南江岸今廢 清風亭在州北五里熊莊簡公墓西今廢 韞

玉亭在含暉洞左今廢 息驂亭在木壘鋪明知州韓子祁題今廢 待旦亭在麻灘驛

今廢 瞻德亭在射圃今廢 登仙亭在下津門外宋太守方信儒建為解舟祖餞地今

廢 平易堂在州治內久廢 宅生堂在州治西宋郡守徐祀建 月巖亭在月巖內

久廢

寧遠縣

冷道故城在縣東南五十里 春陵城在縣北五十里春陵鄉漢長沙定王子買封於此晉

以後為春陵縣隋省入營道 大曆縣城在春陵城北五十里 盪寇將軍壘在縣東六

十里南齊李道辨爲開拓南蠻大使築壘於此 舜祠在舜峯下玉瑄巖前秦漢祀舜之處

舜宮在大陽溪中三代時祀舜之處 脩眞四壇在麓牀三級之上第一壇有茜草長丈餘

如虎鬚古人煉丹鎔釜猶存第二壇有清池東流并南齊永明中所鑄鐵磬十三枚第三壇有

石牀筌竹圓大者幾二尺第四壇有石盆水出不竭好事者挹之輒盈 煉丹觀在簾韶杞

林二峯間中有石曰一松穿曰而生枝柯拳曲如伏龍狀 狀元樓在儒學內 喜雨亭

在縣東 仙梯亭在九疑山紫虛洞 舜鼎舊在舜陵大可函牛百人方可移置其形圓

足峙今失所在 神鼎有二一在縣西五里神灣潭一在神鍋寨下江潭中大可受五十石

覓魚者常往來其耳中蓋前人投之江潭以鎮水口壓蛟龍者 安期甕仙人鄭安期脩道

路中每行攜甕自隨重六百斤今在麓牀山 何侯宅在玉瑄巖前侯得道拔宅飛昇不知

所之惟丹竈存焉 三十六臺在九疑山唐時所築今存其四 御書樓在九疑永福寺

宋紹興乙亥建以歷朝所賜御書藏於上故名今遺址尙存 讀書堂在九疑高士巖側宋

監簿劉子澄建聚徒講學於其上今廢 蓮花臺在九疑之麓牀石乳所結花瓣宛然

大曆故城在春陵城北十五里今分屬新田

石函在杞林峯下昔周義生訪此曾得仙經

麓牀三級在蕭韶峯宋乾道間汪秦二人脩煉於此第一級有石長一尺六寸人跡髮髻二級

有石鑑寒光清瑩三級有巨石號迷術石龜

鐵臼在麓牀山上乃古仙遺物丹釜猶存

石藏在九疑紫霞洞中第一渡

鐵磬在九疑第一麓牀齊永明中所鑄其文曰齊永明十

四年造

玉瑄十二枝瑄在何侯石室漢零陵郡文學奚環遊九疑石室得玉瑄十二獻於

朝 石盆有二一在白馬巖一在麓牀間

狀元二樓在北門外樂椿夫門首

齊雲

閣在永福寺後由徹堂凡三轉四十二級以抵閣上今廢

華巖閣與齊雲閣相峙勢甚奇

偉今廢

太極閣在會濂書院內

執中閣萬曆三年靖守蔡光鼎建

迎賓臺在淹

口五指山下其山高聳平正上有臺今廢

彌陀臺在永福寺後

觀音臺在永福寺

桃花臺在桃花洞魯女觀前聳峻可以遠眺

三賢堂靖守蔡光建以祀濂溪明道伊川

徹堂在永福寺法堂之後有記

碧虛亭在九疑碧虛池上今廢

觀蓮亭萬曆二年靖

守蔡光建

永明縣

舊縣城在今縣南

水雲亭在縣東南三里

蘭谷亭去縣十五里

放生亭在東林

寺前

永明鎮故址在白塔山熙寧間廢縣爲鎮遷此上有寶塔塔題昔賢姓名猶存

舊邑城故址在江南高一丈三尺周一里餘

謝沐縣故址在下墟有城隍祠規制猶存

顧尙書書院在夏會墟通判零陵蔣謹修寶勝寺有顧氏書院碑記可攷也

尉司教場在

巡檢寨

鳳翼亭在青蓮庵之西

月波亭在縣西三十里久已頽廢古今詩刻尙存

眞慶閣在縣治西百步許

江華縣

馮乘城在縣西南三十里富川縣界

池洞城在縣東北水路二百二十里

寒亭在煖

谷之側

思來亭在陽華巖

清音亭在江南

臥雲亭今廢

清勝亭在寒泉之

上

新田縣



大曆故城在縣城北十五里

陵墓附

本府 零陵縣附郭

帝舜陵今在寧遠縣史記云舜南巡崩於蒼梧之野歸葬於零陵之九疑輿地攷云永以南山謂之九疑舊屬零陵秦皇漢武皆望祀焉宋時禁樵採置守陵百戶明遣官致祭

皇清因之 漢零陵太守龍述墓在城北一里述字伯高守零陵卒遂葬於城北時人名曰廉威

阡子孫因家焉立祠於司馬塘上故址猶存宋張埏曰由漢距今千有餘歲名卿士大夫功業掀天地見於丹青多矣未有嗣續不替丘壘歸然祠宇顯設如伯高者庸非盛德所致乎宋徐

自明曰班孟堅贊稱燕齊之祀與周並傳得非太公召公之德實磅礴於人心故其傳久不泯與左氏載臯陶庭堅不祀哀其德之不逮民之無援然則稱邁種德而民懷者非邪冀都龍公

以謹厚聞於世馬伏波以之教誠子弟建武擇守於焉取斯迨今雲仍之賢猶有存者天之報施善人不誣矣 唐趙秀才羣墓在瀟湘之交柳宗元誌曰嬰曰信死孤乃立王侯世家天